



Reidar professor med prisen etter heimkomsten til Uskedalen ikveld

**Medisinsk fagutvalgs hederspris for 2015 tildeles professor Reidar Myklebust. Myklebust har i en årrekke hatt ansvar for undervisning i anatomifaget ved medisinstudiet i Bergen. Han har gjennomgående fått gode evalueringer samt blitt tildelt undervisningspriser gjentatte ganger. Dette gjenspeiler hans gode formidlingsevne og hans brennende engasjement for studentaktivisering. Hans imøtekommenhet og evne til å senke terskelen for spørsmål fra studentene vil vi særlig trekke frem i hans unike formidlingsteknikk. Dedtte har medvirket til å skape et godt og trygt læringsmiljø for nye studenter. Medisinsk fagutvalg ønsker med dette å overrekke hedersprisen som takk for hans særskilte innsats for læringsmiljøet ved medisinstudiet ved Universitetet i Bergen.**



Slik var grunngevinga då professor i anatomi Reidar Myklebust frå Uskedalen i ettermiddag fekk tildelt hedersprisen. Myklebust har tidegare fått to høgthengane prisar for god undervisning - ein i Tromsø på 10 000 kroner og ein i Bergen på 50 000. Den tredje prisen som han fekk no består av dei sterke orda som er attgjeve ovanfor og ein glasmonter - ikkje pengar. Likvel slår prisvinnaren fast for uskedalen.no etter heimkomsten til Rabben i kveld at han set denne tildelinga høgast. Dette er sjølvaste prestisjeprisen, som berre ein har fått tidlegare.

Det er særleg formidlingsteknikken uskedelingen vert berømma for -og den skjer i høg grad ved hjelp av tavle og kritt! I samband med ein av dei tidlegare tildelingane heitte det mellom anna at Myklebust hadde ein unik begeistring og evne til formidling og at han var ein solid undervisningsressurs ved instituttet.

- Men eg vart svært overraska då eg fekk meldinga og trudde ho var feilsendt, seier Reidar. Rundt 100 var til stades då han fekk prisen og han sa då han takka på sparket at han var både takksam, glad og ydmyk. Han hadde det inderlege håp at han hadde gjeve studentane noko verdifullt. Sjølv hadde han hatt mange gode stunder saman med dei.

For få dagar sidan runda han 70 og held fram i jobben ut året. Men det er kanskje mogeleg at tenestetida vert forlenga, for entusiastiske Reidar legg til ordet **truleg**.

Tekst, foto og nett: Ola Matti Mathisen